

Powšitkowne WOZJEWJENJA

njedźelu, 30. septembra 2018

Nyšpor z požohnowanjom zapřahow

Towarstwo Cyrila a Metoda z.t. přeprašuje lětsa zaso na wosebity nyšpor domchowanki z požohnowanjom konjacych zapřahow. Tutón budže njedźelu, 30. septembra, w 14.00 hodź. w Chróśćicach na łuce při Hatkach. Chróśćanski cyrkwinski chór a wosadni dujerjo jón wuhotuja. Wšitcy wěriwi su wutrobnje přeprašeni.

Hudźbna chlósćenka

Twórby Johanna Gottlieba Naumanna (1741-1801), tak mjenowaneho Drježdžanskeho Mozarta, je sej Katolski tachantski chór swjateho Pětra za swój lětuši chórowy koncert njedźelu, 30. septembra, we 18.00 hodź., w Budyskej tachantskej cyrkwi wuzwolił. Zhromadnje z nim wustupja solisća Romy Petrick, Stephanie Hauptfleisch, Frank Blümel a Timo Hannig, přewodženi wot orchestra Serbskeho ludoweho ansambla. Cyłkowny nawod změje Friedemann Böhme.

Hudźbny nyšpor w Chróśćicach

Křesćanska spěwytwórča Stefanie Schwab z Würzburga wuhotuje wutoru, 2. oktobra, w 19.00 hodź. w Chróśćanskej cyrkwi město różowcoweho hudźbny nyšpor. Z kolekty dari wona nimo zarunanja svojich wudawkow wšo za renowěrowanje skulpturów swjateju Symana a Judy Tadeja, patronow Chróśćanskeje cyrkwyje.

Běh wo pokal zbóžneho Alojsa

Składnostnje lětušich 75. posmjertnin zbóžneho kapłana Alojsa Andrickeho zarjaduje Towarstwo Cyrila a Metoda zhromadnje z dalšimi zjednoćenstwami z Radworja běh wo pokal jemu k česći srjedu, 3. oktobra. Započatk je w 10 hodź. při sportnišću w Radworju. Wšitcy zbliska a zdaleka su wutrobnje přeprašeni.

Kubłanski dzeń za 1. a 2. lětnik

Dekanatne dušepastyrstwo džěci přeprašuje šulerki a šulerjow 1. a 2. lětnika na zhromadny dzeń wutoru, 9. oktobra, wot 9 do 15 hodź. do Don Boskoweho domu we Worklecach. Hłowna tema je swjata Marija. Zajimcy njech so prošu hač do štwórtka, 4. oktobra, pod telefonowym čisłom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zezběra so přinošk we wysokosći štyrjoch eurow.

Kubłanski dzeń za 3. a 4. lětnik

Dekanatne dušepastyrstwo džěci přeprašuje šulerki a šulerjow 3. a 4. lětnika na zhromadny dzeń wutoru, 16. oktobra, wot 9 do 15 hodź. do Don Boskoweho domu we Worklecach. Zaběrać budu so ze swjedženjom domchowanki, zwarja sej zhromadnje słodny nazymski menij a dadža sej jón po tym słodžeć. Zajimcy njech so hač do štwórtka, 11. oktobra, pod telefonowym čisłom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zezběra so přinošk we wysokosći pjeć eurow.

Eksercicije za Serbow – Boži Duch woźiwja

Kotry duch nas wjedže? Mje wosobinsce, moju swójbu, w powołanju, w towaršnosći, w tutym času? Wo tutych prašenjach budu na eksercicijach za Serbow wot pjatka, 9. nowembra, wječora hač do njedžele, 11. nowembra, připołdnja rozmyslować. Přizjewjenja přijimuju pak direktnje w Exerzitienhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chrósćicach na farje, telefonowe čisło (03 57 96) 8 04 00.

Zetkanje putnikow w Baćonju

Wobdźělnicy putniskeje jězby spočatk pražnika do Słowakskeje su přeprošeni na zetkanje do Baćonja štwórtk, 18. winowca, w 19.30 hodź. k Božej mši a k naslědnemu wobhladanju widejoweje prezentacije sobuputnika Bosćija Handrika na farje.

Mandźelski seminar

Přizjewjenja za přihot na sakrament mandźelstwa wot pjatka do soboty, 30. nowembra do 1. decembra, w Smochćicach přijimuju pisomnje hač do srjedy, 7. nowembra, w Dekanatom dušepastyrstwe we Worklecach. Formularj k tomu su w cyrkwjach wupožene.

24. literarna kermuša w Radworju

Pod hesłom „Hura, prózdniny!“ přeprošuje Ludowe nakładnistwo Domowina wšitke swójbje, dźědow a wowki na njedzeli, 30. septembra, w 15.30 hodź. na žurlu hosćenca „Meja“ w Radworju, a to na swoju tradicionalnu literarnu kermušu. Hižo wot 15.00 hodź. poskića tam swačinu.

Lětsa steji nowostka za dźěći wot wosom lět „Hura, prózdniny!“ w srjedzišću. Čitać budu awtorojo antologije Pětr Dźisławk a Lubina a Dušan Hajduk-Veljkovićec. Wo hudźbu postarataj so Józef a Jan Brězan na akordeonje a gitarje. Do programa zaprijeći busu tohorunja šulerjo rjadownje 4a Radworskeje zakładneje šule. Woni su z nowym spěwom wubědžowanje „Hura, prózdniny!“ dobyli.

Hdyž budźak hižo njeklinka

Pory nad 60 lětami su wot pjatka do njedžele, 12. do 14. oktobra, na seminar pod hesłom „Hdyž budźak hižo njeklinka“ do Smochčanskeho Domu biskopa Bena přeprošene. Mjez druhim pónđe wo wobchadženje z dźěćimi a wnučkami kaž tež wo nabožne prašenja. Přizjewić móža so zajimcy w Lipšćanskej wotnožce za poradžowanje swójbow Drježdžansko-Mišnjanskeho biskopstwa, telefonowe čisło (03 41) 9 83 00 71.